

《我上愛食的果子》

各位評判老師，各位同學逐家好，我是編號第○號，今仔日我欲演說的題目是我上愛食的果子——榴槤。

講著榴槤，伊獨一無二的氣味恰有砢砢、刺夯夯的外殼，是予人印象上深的所在，榴槤生做真大粒，差不多有跤球遐大，莫怪伊會予人呵咗是「水果之王」。

榴槤的氣味到底是芳抑是甜(臭)？恰意食榴槤的人，干焦鼻著榴槤味就喺笑目笑，喺瀾水強欲涌涌滴。無恰意榴槤的，會嫌伊臭屎味，鼻著強欲絕氣，鼻空一直捏，閣講：莫莫莫！離我愈遠愈好！聽講仔東南亞的一寡國家，像馬來西亞，泰國抑是新加坡，就規定袂使紮榴槤上車抑是上飛行機，若無會予人罰錢。

以早我聽人講榴槤臭 konn-konn，食了臭味會綴牢牢，仙洗都洗袂掉，我就驚甲恰榴槤保持距離，抑毋過，其實我連榴槤生做圓抑是扁，都毋捌看過咧！有一擺歇熱，阿媽問我欲食冰無？因仔人哪有無愛食冰的？當然嘛好。阿媽對冰箱提一包黃黃的冰予我，才食一喺爾，就心涼脾土開，芳甜入心穎，我問阿媽這是啥物？榴槤啊，原來這就是榴槤喔！袂臭啊！食了會繼喺啊！枵饑的我，連塑膠袋仔嘛吮甲清清氣氣，阿媽笑我是貓仔咧洗面諾！彼是我頭一擺知影榴槤的好滋味。

榴槤的營養分真懸，月內人食榴槤會補元氣。舊年熟人，阮阿姪生表小弟，我心內暗歡喜，因為有 sut 矣！便若阮阿母講欲去阿姪遐，我就愛哭愛綴路，用跤頭跌想嘛知，我是胡蠅貪甜，咧數想有榴槤通食啦，阿母就笑我「人月內，你月外」喔！

「人不可貌相，海水不可斗量」，我感覺這句話恰榴槤誠四配，咱欲認捌一个人，毋通干焦看外表煞來產生偏見，按呢就誠無彩！榴槤刺夯夯的外表之下，其實是芳貢貢、甜物物的內才，我向望家己嘛會當像榴槤按呢，外在堅強，會當保護別人，內心溫柔，予熟似我的人攏感受著幸福的甘甜！

我的演說就講到遮，感謝逐家。